

**SETSWANA**

Paper 2 Literature

**3158/02**

**October/November 2016**

**1 hour 30 minutes**

Additional Materials: Answer Booklet/Paper

**READ THESE INSTRUCTIONS FIRST**

If you have been given an Answer Booklet, follow the instructions on the front cover of the Booklet.  
Write your Centre number, candidate number and name on all the work you hand in.  
Write in dark blue or black pen.  
Do not use staples, paper clips, glue or correction fluid.

Answer **four** questions:

In Section A, answer Question **1** or Question **2**.

In Section B, answer Question **3** or Question **4**.

In Section C, answer **two** questions: Question **5** or Question **6**, **and** you must answer Question **7**.

At the end of the examination, fasten all your work securely together.

The number of marks is given in brackets [ ] at the end of each question or part question.

**BUISA DITAELO TSE PELE**

Fa e le gore o filwe bukana e go arabelwang mo go yone, tsweetswee, ela tlhoko ditaelo tse di kwa tshimologong ya bukana.

Kwala nomoro ya lefelo le o kwalelang mo go lone, nomoro ya gago le leina la gago mo pampiring nngwe le nngwe e o kwalelang mo go yone.

Kwala ka pene e e botala jwa loapi jo bo tseneletseng kgotsa ka pene e ntsho.

Se dirise ditlapisa pampiri, sekgomaretsi kgotsa diela tse di phimolang.

Araba dipotso di le **nne**:

Mo go Karolo ya A, araba Potso ya **1 kgotsa** Potso ya **2**.

Mo go Karolo ya B, araba Potso ya **3 kgotsa** Potso ya **4**.

Mo go Karolo ya C, araba dipotso di le **pedi**: Potso ya **5 kgotsa** Potso ya **6**, **mme** o tshwanetse go araba Potso ya **7**.

Kwa bofelong jwa tlhatlhobo, bofelela mmogo sengwe le sengwe se o se kwadileng.

Palo ya maduo e supywa mo masakananeng [ ] kwa bokhutlong jwa potso nngwe le nngwe kgotsa karolo ya potso.

This document consists of **8** printed pages.

## Section A

## KAROLO A: KHUTSWE/PADI

**Ela tlhoko:** Kwala boleele jwa tsebe le seripa mo potsong nngwe le nngwe.

**Araba Potso 1 kgotsa Potso 2. Boleele jwa dikarabo tsa gago e nne tsebe le seripa fela.**

**1** *Mareledi a sa le pele* – M. O. Mothei

Bala temana e e fa tlase, o bo o araba dipotso tse di e latelang.

Mogokgo wa Moeding e ne e le monna wa Mosweu. O ne a bidiwa...o ne a bidiwa mang ne! Leina la gagwe le nngakile bagaestho! Mme fela ene e ne e le monna wa Mosweu. A sa kakelwekakelwe fela. A sa rate matepe a ngwana, go sa kgathalesege gore o godisitswe jang kwa a tswang teng. A ba latsa ka lefoko gore mo Moeding ga go na fa go adimelwang marapo tshwene gone. Go na le fa go ithutelwang teng, go dirwa tiro ya sekolo. Fa go na le bangwe ba ba tlileng boitapolosong, botoka ke gore ba phuthe ba boele gae ba ise ba senyegelwe ke nako. Le gone motho ke go intsha... Ba gana go utlwa ba ba ditsebe dintlha! Ga nkgga go sa bola. Mosimane a tlola motseto o bo o fapoga marago, mosetsana ene a tlola lekgabe le bo le kgaoga thudi. Ke kwa Moeding koo, kwa Otse, mo gare ga dithaba, kwa letsatsi le lekanyeditsweng dinako.

(Tsebe 24)

- (a) Goreng go twe Mogokgo wa Moeding o ne a sa kakelwekakelwe fela? [2]
- (b) Kaya dilo di le pedi tse Mogokgo wa Moeding a neng a di ila. [4]
- (c) O ne a dira mosimane kgotsa mosetsana eng fa ba ne ba sa reetse? [4]
- (d) A bogale ba ga Mogokgo ke jone jo bo kabong bo dirile gore Naledi a fetoge? Neela mabaka. [2]
- (e) Tlhalosa ka botlalo gore Naledi o ne a fetoga jang? [13]

[Maduo otlhe: 25]

**Kgotsa**

**2** *Mosekela mpeng* – T. Mbuya

Tlhalosa ditsela tse mokwadi wa padi e, a agileng ngangego ka teng gore mmadi a balele kwa pele a se ke a rata go e baya fa fatshe.

[25]

**Section B****KAROLO B: MOTSHAMEKO/TERAMA**

**Araba Potso 3 kgotsa Potso 4. Boleele jwa dikarabo tsa gago e nne tsebe le seripa fela.**

**3** *Motho ntsi* – L.M. Mphale

Ditiragalo tse di amang baanelwa mo terameng e, di rotloetsa kutlwelobotlhoko fa go leng makoa mme di leba maemo ka leitho la pelaelo. Tlhalosa ka kelotlhoko ditsela tse bokoa le/kgotsa maemo a tlhagisiwang ka teng mo terameng e.

[25]

**Kgotsa**

**4** *Ngwanaka, o tla nkgopola* – M. Lempadi

Lefelo kgotsa maitshetlego ka dinako di le dintsi a na le tlhotlheletso mo matshelelong a batho. Supa bonnete jwa mafoko a, ka go dirisa baanelwa ba le bane ba ba tswang mo mafelong a a farologaneng a terama e, go netefatsa ntlha e.

[25]

## Section C

## KAROLO C: POKO

Araba Potso 5 kgotsa Potso 6 le Potso 7. Boleele jwa dikarabo tsa gago e nne tsebe le seripa fela.

**Ela tlhoko:** Fa o araba dipotso ka poko, o se ke wa nopola mela ya leboko jaaka e ntse, o tlile go latlhegelwa ke maduo.

5 *Mahura a poko* – L. Magopane

Bala leboko le le latelang morago o arabe dipotso tse di tlhagelelang kwa bokhutlong jwa lona.

**Kgosi Monare Gaborone**

Dumela tlhe Motlokwa  
Ema ka dinao o ntebe!  
Selo se phuduhudu ga se sepe, selwana;  
O tlaa e bapala letsomong ka tadi e amusa

Ke utlwile beno ba go seba  
Ba re ga o thakadu,  
Bogosi o bo tlhomere fela  
O bo bapaditse kwa Tshwenetshwene.

Ntla o koo o nkutlwa  
Wa khutlisa tshebo tsa magano;  
Megopolo ya ba ya sulafala,  
Mokgwa o maswe wa ba latlhegela.

Monare ga se mosebi ke a mo itse  
Ga a boife ditau di mo garumela;  
O nkgathile a tshwara e le nngwe ka kgokgotso,  
A e roba thamo ya rapalala

Ngwana wa 'tlapa la bogosi  
Kana rraagwe o jelwe ke bogosi  
A tthatloga a sa laela morwawe  
Kana ke raya a sa mo phunya matlho go bona

O se itimokanye morwa Gaborone  
Nna o kgobile kgetsi o mo gaeno  
Botswana ke bodulo jwa eno  
Badimo ba santse ba go tlile matshidiso

Ngwana a kgosi ke kgosi  
Ke kgaka o swa ka mabala  
Ke nkwe e e seke e fetola mmala  
Le wena tswelela fela jalo setšhaba o se etelele

Ke utlwa fa go twe kgomo o phutha tsa ba Bokone  
 O di agetse lesaka o di itsa go jewa ke dibatana  
 Ke a go itse ga o ke o fosa ka o thamo e thata  
 Le fa moswela gaabo a sa jewe mmele e se kgomo

Wena o boe o tle go ikhutsa sopeng leno  
 Kana borare ba re ga e ke e phetsolela nageng  
 Le bone bagotlhoi ba go sinalala ba sa budulala  
 Ke raya ka dilabe phefong o feeletse botlhe.

### Dipotso

- (a) Mmoki o kaya eng fa a re sebokiwa ga twe ga se thakadu? [2]
- (b) Tlhalosa bokao jwa “tadi e amusa”. [1]
- (c) Supa sekao sa tlogelo mo lebokong le. [1]
- (d) Maikutlo a mmoki ke afe malebana le mmokiwa? [2]
- (e) Mmoki o kaya eng fa a re rraagwe o jelwe ke bogosi? [2]
- (f) Mmoki o rotloetsa Kgosi Monare Gaborone jaang? Neela dikao di le nne. [4]
- (g) Mmoki o kaya eng fa a re “Ke kgaka o swa ka mabala”? [2]
- (h) Go ya ka diteng tsa leboko le, “ditau” ke bomang? [1]

[Maduo otlhe: 15]

**Kgotsa****6** *Masalela a puo: M. Kitchin*

Bala leboko le le latelang morago o arabe dipotso tse di tlhagelelang kwa bokhutlong jwa lona.

**Babusa-Batho**

Ditlharapa tse di fa gare ga metse,  
Tsa go palangwa ke nonyane tsotlhe!  
Di palangwa ke motho a sa botse,  
Di palangwa ke beng le tšhaba tsotlhe.

Khutsana di di kwaile meruti,  
Batlhologadi ba di ora dikgong;  
Fa di emeng gone ga go dikhutli,  
Di tuka motshegare le mo sigong.

Ke meruti e kwaiwang ke bana,  
Difofu le digole di sa sale;  
Re di kwaile le ka magosana,  
Ke maapara-nkwe le matlhale.

E a re batho ba a swa di gopolwe,  
Di ba epele ditwane ba tšhotlhe;  
Di alafa batho ba sa bobole,  
Gobo di phekola matlhoko otlhe.

Go ntse pitso tsa athola motho,  
Ba ga gabo ba di tlhoka tshiamo;  
Tsa tsoga di mo atholela dithoto  
Ba di kaya di busa ka thokgamo.

Ke tsone matlapa a a borethe,  
Bangwe ba re ke dithuthubudu;  
Maina di tshwanelwa ke a bokgwethe-  
Borra-batho le ba babududu.

**Dipotso**

- (a) Kaya gore mmmoki o supile jang gore “*Kgosi ke thothobolo o olelwa matlakala*” mo lebokong le? Neela dikao di le thataro fela. [6]
- (b) Mmoki o dirisitse botshwantshi jang mo meleng e e latelang:  
*Di palangwa ke motho a sa botse,*  
*Di palangwa ke beng le tšhaba tsotlhe.* [3]
- (c) Ke ponagalo efe e e tlhagelelang mo go (b)? [1]
- (d) Goreng go twe babusa-batho ba kgona go “phekola matlhoko otlhe”? [2]
- (e) “Ditlharapa” ke batho ba ba ntseng jang? [1]
- (f) Neela ponagalo ya tlogelo e e tlhagelelang mo lebokong le. [1]
- (g) Thitokgang ya leboko le ke efe? [1]

[Maduo otlhe: 15]

- 7 Supa dipharologano magareng ga botshelo jwa difofu maloba le botshelo jwa tsone gompieno.

**Sefofu**

Ke timeletswe ke go supa Botlhaba  
 Ke bona ke go apaapa dipota  
 Bophirima ke go utlwa ka badira-le-pono  
 Ba nkgakga le naga sefotshwana.  
 Banyana ba itse 'ntswe ja me'  
 Ke tshela ka go bitsa kgafetsa  
 Ka koko di udubatsa momela.  
 Ke tsebentlha o se ganetse  
 Ke letse ke ile moletlo ke sa o lalediwa  
 Ga twe kwa Pudulogong go rutwa difofu  
 Di tshameka le pene Morabaraba  
 E bile di ikisa kwa di ratang  
 Di be di bonwe di lema merogo.  
 'Fofu ke tsele tsa lekgorokgoro  
 Diritamphokgo –balekane ba banyana,  
 Tsa metlha eno di fereetsega le mekgwatlha  
 Kwa diofising di tlhola le batho  
 Go se 'tsapa le fisang pelo'  
 Tiro tsa bosa di tlhatlologana.  
 Ga re ke re tsebe ntlha, o ntheetse!  
 Ga twe ke se tshoge go tla siama  
 Nako nngwe re tla ema lothetho  
 Re apara bagana tsa baswi go re tshwanela  
 Bagana tsa bone malatlhela-kgakala,  
 Bomaitseanape ba setse ba ntheile  
 Ba re kalafi e gola semokate wa pula.

[10]

---

Permission to reproduce items where third-party owned material protected by copyright is included has been sought and cleared where possible. Every reasonable effort has been made by the publisher (UCLES) to trace copyright holders, but if any items requiring clearance have unwittingly been included, the publisher will be pleased to make amends at the earliest possible opportunity.

To avoid the issue of disclosure of answer-related information to candidates, all copyright acknowledgements are reproduced online in the Cambridge International Examinations Copyright Acknowledgements Booklet. This is produced for each series of examinations and is freely available to download at [www.cie.org.uk](http://www.cie.org.uk) after the live examination series.

Cambridge International Examinations is part of the Cambridge Assessment Group. Cambridge Assessment is the brand name of University of Cambridge Local Examinations Syndicate (UCLES), which is itself a department of the University of Cambridge.